

Tekst en tekensi: Willem de Vink

Yesus A Mesias


DI MAN WE E CHANJE DI WROKO




SAN WANI TAKI...



A libi fu têgo: Na a libi nanga Yesus leki fa Gado wani taki a mus de. A libi disi no sabi san na dede èn a no abi kaba (p.23, 29-30 en 59).



A nyanyan fu memre Yesus: Den man di ben e teki leri fu Yesus e memre a dede nanga a opo baka fu En nanga brede nanga win (p.41).



Begi: Na te yu e taki nanga Gado, saf'safri noso tranga èn yu e arki En (p.18, 19, 42).



Bijbel: Ini a Bijbel yu kan leisi fa Gado e si libisma èn fa A e libi nanga den.

Blèsi: Ala bun sani di Gado wani gi den sma di e du En wani.

Bribi: Na te yu e fertrow taki Gado o du san A pramisi fu du (p.58).



Drai kon baka: Ala sani sa kon nyun te Yesus drai kon baka na grontapu. Gado sa meki heimel nanga grontapu kon nyun baka (p.57).



Engel: Den boskopuman fu Gado di yu no man si Gado (p.5).

Kroisi: A kroisi ben meki fu pina libisma, ma Yesus dede sondro dwengi na a kroisi. A kroisi tron wan marki gi ala sma di e waka baka Yesus (p.25, 50).

Manpikin fu Gado: Dati na a nen fu Yesus. A ben de Gado di kon leki libisma na grontapu, leki a Manpikin fu Gado.

Mesias: 'A kownu di salfu'. Mesias na wan wortu ini a Hebrewtongo. Ini a Grikitongo den e taki 'Kristus' (p.52, 55).

Opo baka na dede: Yesus opo baka na dede. Wan dei ala sma o opo baka na dede. Dan Gado o krutu ala sma. (p.53-57).

Pardon fu sondu: Gado e gi pardon, aladi no wan sma fiti fu kisi pardon. Gado e gi pardon efu trutru a e hati yu taki yu sondu èn yu wani drai yu libi. Dis' kan fu di Yesus teki a strafu fu wi na En tapu. (p.58).

Paska: Na a fesa pe wi e memre a opo baka fu Yesus. De Dyusma e memre a Paska a srefi dei dati tu. (p.38-54).

Santa Yeye: A Yeye fu Gado di wani libi ini sma di e waka baka Yesus (p.58).

Satan: A feyanti fu Gado nanga libisma di yu no man si (Den e kari en 'didibri' tu).

Sondu: Den sani di wi e du di Gado no lobèn di e meki taki wi misi a sani gi san Gado meki wi (p.4).

Yesus: A nen fu a Manpikin fu Gado. A wani taki: 'Gado e yepi'.



SUMA NA YESUS A MESIAS?


Yesus ben e libi sowan 2000 yari di psa ini Israel. Wi e kari En Yesus a Mesias noso Yesus Kristus. Dati wani taki tak' En na kownu. Ma a de wan spesruntu kownu. Den e kari Yesus a Manpikin fu Gado noso a Manpikin fu Libisma. Dati wani taki tak' A de fu Gado ma taki A de fu libisma tu. A historia fu a libi fu Yesus skrifi ini a Bijbel. No wan tori no de di ferteri moro furu leisi moro a tori fu Yesus!

A TEN FU YESUS

Di Yesus gebore den bigin fu teri den yari na grontapu. A pisiten dati sma ben e hari nanga futu, buriki, kameel noso asi go fu a wan presi na a trawan. Den Romeinisma ben teki bigi pisi fu Europa, Asia nanga Afrika abra. Furu sma no ben man leisi noso skrifi. Ma den Dyusma ini Israel ben man leisi nanga skrifi. Sma ben e kari den 'A folku fu a Buku.'

Ini a Buku, a Bijbel, Gado e taki. Na En meki ala sani di de. A wani de mati nanga alasma. Na dati Yesus sori krinkrin!





ISRAELINI A TEN FU YESUS

Mamafoto: Yerusalem

Distrekti: Galilea, Samaria, Yudea.

O bigi a kondre de: Sowan 28.000 kilometer
(Bakra kondre: 36.758 km^2 , Belgie: 30.514 km^2).

A weer: Subtropisch. Ini a waran ten a waran èn alen no e fadon. Ini a kowruten alen e fadon.



Fa sani ben e waka ini a kondre: 63 yari fosi Kristus gebore, den Romeinisma ben de basi ini Israel.

A tiri fu a kondre: Granman Pontius Pilatus ben e tiri Israel. Tiberius, a grankownu, ben de en basi.

A Bribi: A Dyubribi. Den Dyu abi wan tempel ini Yerusalem. Drape yu abi priester di e du ala sortu wroko di abi fu du nanga a bri bi nanga man (soleki den Fariseiman) di e leri den sma a wortu fu Gado.

A tongo: A Hebrewtongo (A tongo fu den Dyusma), A Grikitongo (A tongo di alasma ben e taki), A Latijntongo (A tongo fu den Romeinisma).





Den ben e kari a man di ben e preiki na a liba Yohanes a dopuman...

No luku na mi. Mi e meki pasi klari gi wan sma di sa meki un kon sabi Gado. Na En o dopu unu nanga a Santa Yeye èn nanga faya. Na dati o meki un kenki!

Ma dan...




Na Yu mus dopu mi!

Dan wan sten kmoto fu heimel taki...

Iya! Disi na Mi Manpikin di Mi lobi. Mi abi prisiri nanga En!

Yu kan dopu Mi, bika a fiti fu un du ala sani soleki fa Gado wani.


P'pa, kon tiri wi, meki Yu wani psa!



Sowan tu dusun yari di psa, Yohanes a Dopuman ben e bigin preiki taki a Mesias o kon. Israel ben de wan pikin pisi nomo fu a bigi pisi fu grontapu abra san den Romeini sma ben e rigeri.



A Dyu folku na ini Israel ben e firi leki den no ben man du noti nanga den sma di ben e kwinsi den. Den Dyu ben e angri fu a Mesias. En bo de a Ferlusuman, fu san den owru buku fu den Dyu ben e taki. A Mesias disi bo meki sani psa baka leki fa Gado wani.



Na a Yordanliba Yohanes sori go na Yesus.



Yesus tan drape fotenti dei nanga fotenti neti sondro fu nyan. A ben e begi èn a ben e faste, fu A ben kan kon sabi moro krin san A ben mus du.



A wroko ben du bun, te Yesus ben meki grontapu kon sabi a wani fu Gado. A de a wani fu Gado fu ferlusulibisma ini a makti fu dede.



Iya, P'pa,
mi sa du
san yu
wani taki
mi mus
du!

Ma didibri, a feyanti, ben e pruberi fu tyari tra prakseri kon ini Yesus ede, fu puru en prakseri na san Gado ben wani taki a mus du.

No no! A skrifi taki: 'Wan sma no sa libi fu brede wawan, ma fu ala wortu di Gado e taki.'


Efu Yu na a Manpikin fu Gado, taigi den ston disi fu den tron brede!




Efu Yu na a Manpikin fu Gado, trowe Yusrefi go na gron. Bika a skrifi taki: Gado sa seni den engel fu En fu tyari Yu na tapu den anu.

Luku! Mi sa gi Yu ala makti na grontapu, efu Yu fadon tapu Yu kindi fu anbegi mi.


So didibri gwe libi Yesus. Ne engel kon sorgu gi En.




No no! A skrifi tu taki: Yu no mus tesí Masra yu Gado!




Di Yesus drai go baka na Galilea, A ben furu nanga a krakti fu a Yeye. Na ini a distrikki disi, di didon na a noordsei fu Israel, a ben gro kon. A distrikki disi ben abi furu sma. Wan tu man ben bigin waka nanga en. Den ben angri fu kon sabi efu Yesus ben de a Mesias fu san den profeiti ben skrifi.



Na ini Kana, wan foto di didon tapu den
bergi fu Galilea, wan trow-oso ben de.




Yesus ben de tapu a fesa
tu nanga en m'ma nanga
wantu mati.










Kapernaum ben de wan fisimandorpu, di ben didon na a meer fu Galilea. Sani ben e go bun drape. Drape Yesus bigin ferteri sma taki Gado wani tiri libisma.





Yohanes, a dopuman, di ben de wan profeiti, ben e sori den sma taki Yesus na a Wan di bo kon, leki fa a ben skrifi ini den buku. Yesus ben e waka lontu ini a distrikti Galilea nanga den man di ben e teki leri fu en. A ben e preiki taki heri esi Gado bo bigin tiri libisma. A ben e dresi ala sortu siki èn a ben e yagi takru yeye puru na tapu sma. Den sma no ben man bri bi san den ben si èn den ben e waka na en baka. Den ben e kmoto fu tra distrikti srefi nanga fu Yerusalem, a m'ma foto fu Israel. Den ben e arki fin'fini san a ben e taki...





Wan dei, furu sma ben de na oso pe
Yesus ben de, na ini Kafarnaum.

Un no o man psa
drape noiti.

San e psa
drape na
loktu?

Libi den! Den mati
abi tranga bribi.

Dan na a dak un
mus waka. Nanga a
heri bedi.

Yu kisi pardon fu yu sondu.

Fa a kan taki so?
Yu yere dati?

A e afrontu
Gado.

Na Gado wawan kan
gi pardon fu sondu.

Bika san moro makriki? Fu taigi a
man tak' a kisi pardon fu en sondu,
noso fu taigi en fu a opo waka?

A Mesias abi makti fu gi sma
pardon fu sondu. Mi e taigi
yu fu yu opo, teki yu
matrasi, dan yu go na oso.










Ma a no alasma ben lobi den sani di Yesus ben e du. Den edeman fu den Dyukerki ben e hori ai na en tapu efu a ben e du sani di wan dyusma no kan du. Ini Israel yu no kan wroko tapu a sabadei...














Wan dei Yesus nanga den man di
ben e teki leri fu en ben de wawan
tapu a meer fu Galilea.


















Ma di Yesus e taki nanga den sma son ben e bigin saka...




Tu hondro solfrumoni
no bo sari ete!

Wan boi de dya di abi feifi
brede nanga tu fisi. Ma dati
no sari gi someni sma.

Un meki den go sidon ini
grupu fu feifinti sma.



Dusun dusun sma ben
nyan fu di Yesus ben meki
a nyanyan kon furu.



Un mus meki a
tron Kownu.



Un o seni a bigi grupu sma gwe. Un bigin
go nanga a boto na a tra sei fu a meer. Mi
o tan dyaso ini den bergi fu begi.







Sma ben de di ben wan poti Yesus leki kownu. Den ben e howpu taki te dati ben psa, den bo man yagi den Romeinisma gwe di ben teki a kondre fu den abra. Ma moro nanga moro sma ben de tu di no ben wani Yesus. Den no ben feni den sani bun di

A ben e du...





Furu leisi den ben tyari sma go na dorosei fu Israel fu kiri den. Den ben e anga den na wan kroisi. Dati ben de wan ogri fasi fa den Romeinisma ben e kiri sma.




A pisten dati yu ben abi spesruntu dorpu gi sma di ben abi gwasi siki. Bika sma di ben abi a gwasi siki no ben kan moksi nanga gesontu sma.




Te den gwasi sma ben de na pasi,
den ben mus bari nanga tranga
sten fu sma yere taki den e kon.

Gwasiman!
Gwasiman!



Yesus, Meister, abi
sari-atи nanga unu!





Den Dyu edeman fu Yerusalem ben seni knekti fu den go na Yesus fu luku san A ben e du ondropasi. Den no ben lobi den sani san A ben e du sref'srefi.


A e taki nanga sma di no abi bun nen, soleki den huru nanga den man di e piki edemoni. Den man dati e wroko makandra nanga den Romeinisma...

A Mesias kon fu suku den sma di e go lasi, èn fu ferlus den.




Yesus ben e dresi sikisma tapu a sabadei...

Kon gesontu baka!



A ben abi ai tu gi den pikinwan...



Meki den pikin kon na Mi. No tapu den, bika na sma leki den pikin disi, Gado e tiri.

Dan den seni kari Yesus kon na Betania, wan dorpu di no ben de fara fu Yerusalem. Lazarus ben e siki. En nanga den s'sa fu en, Maria nanga Marta, ben de bun mati fu Yesus. Ma di Yesus doro na Betania a kisi fu yere taki Lazarus ben dede fo dei kba.



Masra!

Masra, efu Yu ben
dya, mi brada no
bo dede.

Yu brada o kon
na libi baka.


Mi sabi tak' a o kon na libi
baka tapu a laste dei, te
ala dedesma o opo baka.

Na Mi e wiki dede èn na Mi e
gi libi. A sma di e bri bi na ini
Mi sa libi, awinsi a dede. Yu e
bri bi dati Marta?

Iya Masra, mi e bri bi tak' Yu
na a Mesias, a Manpikin fu
Gado, di bo kon na grontapu.

Pe un beri en?

Masra, kon
meki un
sori Yu.



Den edeman na Yerusalem ben e broko den ede moro nanga moro abra Yesus nanga den sma di ben e waka na en baka.




A e sori den sma someni marki!

Efu wi libi En meki A du san A wani, den Romeinisma o du wan sani.

Den Romeinisma o kon broko a presi disi èn den o yagi a pipel.



Na ferstan un no man ferstan tak' a moro bun gi unu tak' wan man nomo dede gi a pipel, prefu ala sma dede?



A man Yesus disi mus dede!

Bigin fu a dei dati den edeman fu a Dyukerki bigin kruderfa den bo man gi Yesus abra na den Romeinisma. Bika soso den man di ben teki a kondre abra ben abi a makti fu kiri wan sma.


A pisten dati fesa ben de na Betania.



Un ben kan seri a
oli disi dan un
ben prati a moni
gi pôtisma?




Un libi en. A ben kibri a
oli disi fu meki Mi klari
fu Mi beri.





A paskafesa ben e doro. Furu sma
ben e hari go na Yerusalem.








Den Dyu edeman ben e
seti sani fu grabu Yesus.
Aladi Yesus ben sabi dati,
a go ini a foto.













Den laste dei fosi a paskafesa ben doro. Yesus ben e taki nanga den sma ini a tempel. Den edeman ben e pruberu fu tapu En fu A no du dati. Dan Petrus nanga Yohanes gwe go meki a paskanyanyan klari.



A neti dati Yesus nanga den 12 man di ben e teki leri fu en kon makandra fu nyan a paskanyanyan.







Mi ben angri sote fu nyan a
Paska disi nanga unu, fosi
Mi bigin nyan pina.



Den kownu fu den
folku e basi den, ma
unu no mus de so.

Efu wan fu unu wani de
wan prenspari sma, dan
a mus dini den trawan.



Mi de na un mindri leki a
sma di e dini trawan.





Moro lati Yesus nanga den 11
man fu En kmoto ini a foto.
Yudas no ben de nanga den...

Mi o gwe libi unu. Ma Mi o aksi
a P'pa meki A seni wan tra
Trowstuman kon gi unu, di sa
tan nanga unu fu tēgo.


Un sabi fa fu kon na
a presi pe Mi e go.

Mi na a pasi, na Mi e sori
san na tru, èn na Mi e gi
libi. Sondro Mi no wan
sma kan kon na a P'pa.

Un sidon dyaso.
Mi o go begi.

Mi P'pa, efu a kan, no meki Mi dringi
fu a kan disi, no meki Mi nyan a pina.

Ma a no san
Mi wani, ma
na san Yu
wani musu
psa!



Dan den tyari Yesus go na a grandomri. En ben de a moro prenspari edeman fu a Dyubribi. Petrus nanga Yohanes ben e waka fara na den baka...



Dan Petrus go ini a dyari tu.



Hey! Yu ben de nanga Yesus tu.



Mi no sabi san yu e taki!



A man disi ben de nanga Yesus tu!



A tru. Yu na wan fu den man tu. Wi e yere en na a fasi fa yu e taki.

Mi no sabi a man.





Na unu srefi
e taki tak' Mi
na En.




So den tyari Yesus go na granman Pilatus. Den edeman fu a Dyukerki ben e sutu faya gi den sma. Den ben e bari taki a du ala sortu sani.





Yu no e yere ala den sani
san den e taki fu Yu?







Mi no feni no wan fowtu na a
man disi. Ma un abi a gwenti
tak' mi e lusu wan straf'man gi
unu tapu a Paskafesa. Suma un
wani taki mi lusu: Barabas noso
a Kownu fu den Dyu?



Mi no feni no wan fowtu na a
man disi. Ma un abi a gwenti
tak' mi e lusu wan straf'man gi
unu tapu a Paskafesa. Suma un
wani taki mi lusu: Barabas noso
a Kownu fu den Dyu?








Dan den spikri Yesus na wan kroisi. Pilatus meki den skrifi tap'sei fu En ede fu sanede den kiri En. Den skrifi ini dri tongo: 'Disi na Yesus, a Kownu fu den Dyu.'

Yesus no ben wani dringi wan sani fu A no firi a skin-at.


Dan den srudati hari lot fu prati En krosi.



Yepi Yusrefi,
dan Yu e yepi
unu tu.

Yu no e frede Gado? A strafu
san un kisi fitiunu, ma a Man
disi no du no wan ogri.

Memre mi te Yu e
kon leki Kownu.




Fu tru Mi e taigi yu:
Tide srefi yu sa de
nanga Mi na Paradeis.

Twarfu yuru brekten, a heri
kondre kon dungru te leki dri
yuru bakadina.

Maria, a m'ma fu Yesus nanga Yohanes,
wan fu den man di ben e teki leri fu
Yesus, ben tnapu na a kroisi.

Now unu na m'ma
nanga pikin.




Mi Gado, Mi Gado, fu
sanede Yu gwe libi
Mi?

A kba!



Yesus dede dri yuru bakadina.
Wan fu den srudati dyuku en
lansri na Yesus seibere.
Wantron brudu nanga watra lon
kmoto na ini. Datu ben wani taki
tak' A ben dede kba.



Ini den Santa Buku a skrifi
taki: Neleki wan skapu, den
tyari En go srakti.

Den boro en seibere fu
unu sondu ede, èn fu
unu kruktudu a nyan
ala den pina disi.

Na En na a Mesias
di bo kon?




Dan Yosef fu Arimatea nanga Nicodemus tyari a
dedeskin gwe. Den domru en makandra nanga
switismeri na ini linnen krosi. Dan den poti en ini
wan grebi di ben diki ini wan bergiskin.






Baka a sabadei wan tu uma di
ben de na low go na a grebi.
Wan bigi ston ben lolo poti na a
mofo fu a grebi fu tapu en.



Di Petrus nanga
Yohanes yere dati den
lon go na a grebi.





A srefi dei dati tu fu den man di ben e waka nanga Yesus ben de na pasi. Den bigin taki nanga wan tra man di den miti na pasi. Den ben e taki fu den sani di psa...

Fa un no man bibri ala den sani ete san den profeiti taki? A Mesias ben mus fu nyan ala den pina disi fosi A ben kan kisi En glori. Ala den

Di den e nyan wantronso a man no ben de fu si moro...

Dan den opo wantron go taigi den tra man di ben e waka baka Yesus.

Maria nanga Petrus si en tu!

A ben de Yesus srefi!

Un si Masra!




Ne wantronso...




Freide mus de nanga unu!

Fu sanede un de nanga tu ati? Luku Mi anu nanga Mi futu, dan un o si tak' na Mi srefi dya!

Mi Masra nanga mi Gado!

Fotenti dei langa Yesus sori ensrefi na den man di ben e waka na en baka. A meki feifi hondro fu den si en srefi tapu a srefi momenti. Wan dei di wan tu fu den man ben e fisi...






Den man di ben teki leri fu Yesus ben tan na baka ini Yerusalem e begi. Dan a Santa Yeye kon na den tapu. A Yeye fu Gado, di ben de ini Yesus, e libi now ini den tu. So den ben kon tron nyun sma di ben e taki sondro frede fu Yesus.

Dede no ben man hori
En. Gado meki A kon
baka na libi. Gado meki
a Yesus disi tron Masra
nanga Mesias!



Den man di ben teki leri fu Yesus ben hari go na alasei fu grontapu, ala di sma ben de nomo na den baka fu tapu a wroko fu den.

Yesus na a
Manpikin fu Gado!



Den ben skrifi en tu
na ini brifi di den ben
e seni go lontu:

Mi no e syen gi a
Bun Nyunsu, bika a
de a krakti fu Gado
fu ferlusu ala sma
di e bribi.



A boskopu fu Yesus panya na heri grontapu. Ala presi sma e kon makandra now di e waka baka Yesus. Den e leis Gado wortu èn den e begi makandra. Den e nyan brede èn den e dringi win nanga makandra fu memre a dede fu Yesus. Gado wani fu den prati a lobi di de na ini den ati.

Yesus meki taki den sani
di Gado ben wani du gi
libisma ben kan psa.



Taki Gado tangi gi a lobi
fu Yesus èn anbegi En.

Bika Gado lobi libisma sote, tak' A gi
En wan enkri Manpikin fu meki tak'
ala sma di e briki ini En, no mus go
lasi, ma fu den abi a libi fu têgo.

WILLEM DE VINK

A BIJBEL

A tori fu Yesus skrifi ini a Bijbel. No wan tra buku no de di sma ben leisi so furu èn di sma e leisi so furu ete leki a Bijbel. A de wan buku di furu nanga tra buku. A teki sowan 1500 yari fu skrifi ala den buku disi. Sowan 1900 yari di psa den ben kba fu skrifi a Bijbel. Ini a Bijbel wi e feni difrenti tori fa Gado e tiri libisma. A tori fu Yesus na a moro bun tori fu meki wi ferstan krinkrin suma Gado de.


A HISTORIA FU YESUS

Ini a Bijbel wi e feni fo buku di e taki fu a libi fu Yesus. Den buku disi abi a nen fu den man di skrifi den. Den alamala ben e libi ini a ten fu Yesus.

1. **Mateus** – ben de wan man di ben e teki leri fu Yesus. A ben de wan man di e piki lantimoni. Mateus e ferteri spesrutu fu a fasi fa Yesus ben e libi nanga den sma fu Israel (Den Dyusma)

2. **Markus** – ben de wan yonguman ete di Yesus ben e du En wroko. A skrifi furu fu den wondru di Yesus du.

3. **Lukas** – ben de wan datra. En srefi no ben miti nanga Yesus. Lukas e taki fu a fasi fa Yesus ben e libi nanga den sma.



4. **Yohanes** – ben de wan man di ben e teki leri fu Yesus tu. Yohanes e sori wi suma Yesus de trutru. Yesus na Gado, di tron libisma fu ferlusu den fu den sondu.

FA YESUS KON GEBORE


Maria na a m'ma fu Yesus. Maria no ben trow ete di Yesus kon gebore. A ben de wan yongu uma di no ben sribi nanga wan man ete. Ma Gado srefi ben sorgu taki Yesus kon gebore. Buku di ben skrifi langa na fesi, fosi a ten fu Yesus, ben taki fu a wondru disi kba. Yesus no kon na grontapu leki wan tranga fetiman noso wan spesruntu sma. A gebore ini wan baki pe meti e nyan, fu di no wan tra presi ben de moro.

WONDRU FU YESUS

Yesus du furu wondru. A Bijbel e taki fu moro leki fotenti leisi pe sma kon betre. Nanga den wondru disi Yesus sori a makti fu Gado èn taki A wani fu yepi sma fu den kan abi prisiri.



A DEDE NANGA A OPO BAKA FU



Fu sanede Yesus ben musu dede? A Bijbel e taigi wi fu sanede disi psa?

Arki. Ala sma e du wan sani wan leisi di no bun. Wan sani di Gado no lobi èn di e meki Gado En ati bron noso di e meki A firi sari. Dati wi e kari sondu. Ala den sondu e meki taki wi no man de mati nanga Gado.

Na dat' meki Yesus kon. Sondro dwengi A teki a strafu fu wi sondu na En tapu. A strafu dati ben de dede. Fu di Yesus dede gi wi, wi kan kon bun baka nanga Gado. Ma a mus hati wi taki wi ben du sani di no bun.

Yesus opo baka na dede tu. Gado meki A kon na libi baka. Nanga dati Gado sori taki A abi makti moro dede.

Now Yesus e libi nanga Gadu. Èn fu di A e libi, A kan de wi mati fu têgo. A wani yepi wi fu libi wan libi di e gi Gadu prisiri.

BEGI

Efu a e hati yu taki yu du sani di no bun èn efu yu wani tron mati nanga Gado, dan yu kan begi so wan begi:

“Lobi Gadu, Yu lobi mi.

Yu gi Yesus, Yu eigi Manpikin.

A dede na a kroisi gi ala den sani di mi du di no ben bun.

Gi mi pardon fu den sani di mi du di no ben bun. A e hati mi taki mi du den.

Grantangi taki Yesus ben wani du disi gi mi.

Mi wani tron wan sma fu Yu.

Mi e begi Yu fu yepi mi fu mi kan libi leki fa Yu wani.

Mi e begi Yu fu tan kros'bei fu mi.

Grantangi taki Yu piki a begi fu mi.

Yu e du san Yu pramisi!”

YU NANGA YESUS

A tori fu Yesus no kba ete. Yesus tron wan mati fu furu sma. A du dati langa ten di psa ma A e du en a ten disi tu. Grontapu kenki. Wi no e go na waka moro tapu buriki nanga asi, ma nanga oto nanga opolangi. Ma disi no wan taki noti gi Yesus. A kan de so kros'bei fu yu leki di A ben e waka ini Israel.

Yu no e si En, ma A de trutru. Tide A wani de wan mati gi Yu tu. Wan mati di yu kan arki èn di yu kan lobi.

Efu yu wani sabi moro fu Yesus èn fa yu kan libi nanga En, dan yu kan du disi:

1. Yu srefi mus bigin fu leisi a Bijbel

(Yu kan bigin leisi san Lukas skrifi)

2. Bigin fu e begi

(Taki nanga Gado èn arki En.)

3. Taki nanga tra sma fu Yesus nanga a

Bijbel. Yesus wani taki den sma di e bri bi ini En mus kon makandra èn yepi makandra fu kon sabi En moro.



Sranan Tongo: Lucien Donk © 2008, 2025 SURINAAMS BIJBELGENOOTSCHAP

Skrifi nanga prenki: Willem de Vink

A buku de fu © 1993 Stichting Wereldtaal, Rotterdam, Nederland.

A kon na ini Bakratongo leki: 'Jezus Messias'

A kon ini Sranan Tongo ini © 2008, 2025

Digitaal kopie musu meki leki fa Creative Commons BY-SA e taki tak' a mus du.

Ala kondre abi primisi fanowdu fu meki kopie noso fu kenki wan sani.

E-mail: jmpbk.app@gmail.com

Websaiti: <https://jesusmessiahcomicmedia.com/suriname>

Disi na a tru tori fu Yesus a Mesias. A ben e libi sowan tu dusun yari di psa na ini Israel. Ala sma di ben miti En ben e ferwondru. Noiti wan sma ben du den sani di En ben du. Noiti wan sma ben taki den sani di En ben taki. Pe Yesus ben de wondru ben e psa nomo. A ben e meki den sma breiti di ben e meki ten fu arki En, èn A ben e gi den prisiri. Ma wantronso wan kba kon na disi. Den feyanti fu En meki sma kiri En. Ma dati no de a kba fu a tori. Yusrefi kan leisi fa dati psa nanga fa a tori fu Yesus e go moro fara.



Language: Sranan Tongo (Suriname)

ISBN: 978-90-73150-20-1